ҚАРШИ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўгрисида)

Карши шахар

2025 йил 13 январь

Қарши туманлараро иқтисодий судининг судьяси А.Қодиров раислигида, Ш.Толиповнинг котиблигида даъвогар "Indorama Agro" МЧЖ ХКнинг жавобгар "Чашмазон ота" фермер хўжалигига 59.994.034 сўм ортикча ундирилган қарздорлик суммасини ундириш ҳақидаги даъво аризаси бўйича ишни тарафлар иштирокисиз Қарши туманлараро иктисодий суд биносида очик суд мажлисида кўриб чикиб, куйидагиларни

аниклади:

даъвогар "Indorama Agro" МЧЖ ХК судга даъво аризаси билан мурожаат қилиб, жавобгар "Чашмазон ота" фермер хўжалигидан 59.994.034 сўм ортикча ундирилган қарздорлик суммасини ундиришни сўраган.

Суд аризасида келтирилган ҳолатларни иш ҳужжатлари билан бирга ўрганиб чиқиб, қуйидаги асосларга кўра даъво аризасини кўрмасдан қолдиришни лозим топади.

Суднинг 2024 йил 27 декабрдаги даъво аризани қабул қилиш ва ишни суд муҳокамасига тайёрлаш тўғрисидаги ажрими билан ишни кўриш 2025 йил 13 январь куни соат 11:05га тайинланган.

Суднинг ажрими тарафларга Гибрит почта алоқа хизмати орқали юборилган.

Гибрит почта алоқа хизматининг маълумотномасига кўра, суднинг 2024 йил 27 декабрь кунидаги 4-1801-2401/8290-сонли "даъво аризани қабул қилиш ва ишни суд муҳокамасига тайёрлаш тўғрисида"ги ажрими даъвогар "Indorama Agro" МЧЖ ХКга 2024-йил 31 декабрь куни топширилган.

Бугунги суд мажлисига даъвогар вакили келмади ва иш хужжатларида даъвогарнинг ишни унинг иштирокисиз кўриш тўгрисидаги аризаси мавжуд эмас.

Ўзбекистон Республикаси Иқтисодий процессуал кодекси 107-моддасининг 6-бандига кўра, даъвогар биринчи суд мажлисига келмаган ва ишни ўзининг иштирокисиз кўрилиши тўгрисида арз қилмаган бўлса иқтисодий суд даъвони кўрмасдан қолдиради.

Шу сабабли суд, даъвогарнинг даъво аризасини кўрмасдан колдирилиши лозим топади.

Иқтисодий процессуал кодексининг 118-моддасига асосан суд харажатлари ишда иштирок этувчи шахсларга уларнинг қаноатлантирилган даъво талаблари миқдорига мутаносиб равишда юкланади.

Ўзбекистон Республикаси "Давлат божи тўғрисида" ги Қонунга кўра иктисодий судларга бериладиган мулкий хусусиятга эга даъво аризаларидан

даъво бахосининг 2 фоизи микдорида, бирок базавий хисоблаш микдорининг 1 бараваридан кам бўлмаган микдорда давлат божи тўланиши керак.

Юқоридагиларга кўра, суд мазкур иш бўйича аризани кўрмасдан колдиришни ва даъвогар "Indorama Agro" МЧЖ ХК томонидан олдиндан тўланган давлат божи ва почта харажатини ўзининг зиммасида колдиришни лозим топди.

Ўзбекистон Республикасининг Иқтисодий процессуал кодекси 107, 195 ва 196-моддаларини қўллаб, суд

ажрим қилди:

даъвогар "Indorama Agro" МЧЖ ХКнинг жавобгар "Чашмазон ота" фермер хўжалигидан 59.994.034 сўм ортикча ундирилган қарздорлик суммасини ундириш ҳақидаги даъво аризаси кўрмасдан қолдирилсин.

"Indorama Agro" МЧЖ ХК томонидан мазкур даъво ариза бўйича тўланган давлат божи ва почта харажати инобатга олинсин.

Мазкур ажрим устидан бир ойлик муддатда апелляция, бир ойдан сўнг кассация тартибида шикоят бериш (протест келтириш) мумкин.

Судья А. Қодиров

